



Republika e Kosovës
Republika Kosova - Republic of Kosovo
Qeveria - Vlada - Government
Ministria Infrastrukturës dhe Transportit
Ministarstvo Infrastrukture i Transporta
Ministry of Infrastructure and Transportation

Prishtinë, 06.03.2019

Në bazë të neneve 4, 21, 22 të Ligjit nr. 03/L-089 mbi administratën shtetërore të Republikës së Kosovës (Gazeta Zyrtare nr 82, 21 tetor 2010), si dhe në bazë të nenit 8 paragrafi 1.4 dhe Shtojcës 17 të Rregullorës nr. 02/2011 mbi fushat e përgjegjësisë administrative të zyrës së Kryeministrit dhe ministrive, nenit 25 të Ligjit mbi vetëqeverisjen lokale, si dhe Ligjit Nr.06/L-133 mbi buxhetin e Kosovës për vitin 2019, lidhet ky

MEMORANDUM I MIRËKUPTIMIT PËR FINANCIMIN E PROJEKTEVE INFRASTRUKTURE NË KOMUNËN E GJAKOVËS

Neni 1 Palët Nënshkruese

1. **MINISTRIA E INFRASTRUKTURËS DHE TRANSPORTIT**, e përfaqësuar nga Ministri i Infrastrukturës dhe Transportit, (në tekstin e mëtejme MIT),

dhe
2. **KOMUNA e GJAKOVËS**, e përfaqësuar nga Kryetari i Komunës, (në tekstin e mëtejme Komuna).

Neni 2 Qëllimi

Qëllimi i këtij Memorandumi është financimi i projekteve infrastrukturore të cekura më poshtë si dhe përcaktimi i obligimeve të MIT-së dhe Komunës për realizimin e projekteve:

1. **Ndërtim i rrugës Cufa Doli**, kodi i projektit nr. 18154, në vlerë prej 300,000€. Ndarjet buxhetore për vitin 2019 janë 100,000€, ndërsa për vitin 2020 mjetet buxhetore të parashikuara janë 200,000€;

2. **Ndërtim i rrugës Shqiponjë - Kralan (Rruga Shaban Zeka)**, kodi i projektit nr. 18158, në vlerë prej **900,000€**. Ndarjet buxhetore për vitin 2019 janë 100,000€, ndërsa për dy vitet në vijim mjetet buxhetore të parashikuara janë **800,000€**;
3. **Ndërtimi i rrugës Cermjan - Meqe**, kodi i projektit nr. 18160, në vlerë prej **524,000€**. Ndarjet buxhetore për vitin 2019 janë 100,000€, ndërsa për dy vitet në vijim mjetet buxhetore të parashikuara janë **424,000€**;
4. **Ndërtimi i rrugës Dol - Kushavec**, kodi i projektit nr. 18161, në vlerë prej **85,000€**. Ndarjet buxhetore për vitin 2019 janë 85,000€;
5. **Ndërtimi i rrugës Libovec - Goden**, kodi i projektit nr. 18162, në vlerë prej **496,000€**. Ndarjet buxhetore për vitin 2019 janë 100,000€, ndërsa për dy vitet në vijim mjetet buxhetore të parashikuara janë **396,000€**;
6. **Ndërtimi i rrugës në fshatin Pjetrashan**, kodi i projektit nr. 18166, në vlerë prej **196,665€**. Ndarjet buxhetore për vitin 2019 janë 96,665€, ndërsa për vitin 2020 mjetet buxhetore të parashikuara janë **100,000€**;
7. **Rehabilitimi i rrugës "Muharrem Domi" - Gjakovë**, kodi i projektit nr. 18167, në vlerë prej **200,000€**. Ndarjet buxhetore për vitin 2019 janë 100,000€, ndërsa për vitin 2020 mjetet buxhetore të parashikuara janë **100,000€**;
8. **Ndërtimi i rrugës së Radoniqit**, kodi i projektit nr. 18168 në vlerë prej **500,000€**. Ndarjet buxhetore për vitin 2019 janë 100,000€, ndërsa për dy vitet në vijim mjetet buxhetore të parashikuara janë **400,000€**;
9. **Ndërtimi i rrugës Hereq - Novosellë - Palabardh - Janosh - Lugbunar**, kodi i projektit nr. 18191 në vlerë prej **500,000€**. Ndarjet buxhetore për vitin 2019 janë 100,000€, ndërsa për dy vitet në vijim mjetet buxhetore të parashikuara janë **400,000€**;
10. **Ndërtimi i rrugës Rahmat, Gjakovë**, kodi i projektit nr. 18315, në vlerë prej **270,000€**. Ndarjet buxhetore për vitin 2019 janë 100,000€, ndërsa për vitin 2020 mjetet buxhetore të parashikuara janë **170,000€**;
11. **Ndërtimi i rrugës Dol -Lipovë - Gjakovë**, kodi i projektit nr. 18316 në vlerë prej **350,000€**. Ndarjet buxhetore për vitin 2019 janë 100,000€, ndërsa për dy vitet në vijim mjetet buxhetore të parashikuara janë **250,000€**;

Neni 3 Obligimet e MIT-së

1. MIT-ja i siguron mjetet për projektet nga paragrafi 2 i këtij Memorandumi dhe nga një kopje i dërgon Komunës.

2. Pagesat për financim të projekteve nga MIT-ja do të bëhen në pajtim me realizimin e punimeve/furnizimeve sipas kushteve të kontratës. Pagesat bëhen nga MIT-ja deri në vlerën e financimit.

3. MIT-ja cakton një zyrtar për mbikqyrjen e realizimit të projekteve nga fillimi deri në përfundim të kontratës. MIT-ja me vendim do të caktoj detyrat, përgjegjësitë dhe autorizimet e zyrtarit për mbikëqyrje.

Neni 4 **Obligimet e Komunës**

1. Komuna siguron deklaratën e disponueshmërisë së mjeteve në tërësinë e vlerës së projektit dhe një kopje e dërgon në MIT.

2. Komuna obligohet t'i krijojë kushtet e nevojshme për realizimin e projekteve për operatorët ekonomik, të ndërmarrë të gjitha masat që kontraktuesi pa pengesë të fillojë në implementimin e projekteve me kohë si dhe të sigurojë specifikacionet teknike.

3. Komuna obligohet që projektet të zhvillojë në pajtim me Ligjin mbi Prokurimin Publik dhe Ligjin për Menaxhimin e Financave Publike dhe Përgjegjësi si dhe aktet nënligjore për zbatimin e këtyre ligjeve.

4. Komuna e kryen procesin e tenderimit dhe cakton komisionin për hapjen e ofertave dhe vlerësim të tenderit, në të cilat komisione një anëtar duhet të jetë nga ana e MIT-së.

5. Komuna emëron Projekt Menaxherin/organin mbikëqyrës për realizimin e projekteve, si dhe komisionin për inspektimin final të punimeve/pranimin teknik, në të cilin komision duhet të jetë një anëtar nga MIT-ja.

6. Projekt Menaxheri/organi mbikëqyrës me përgjegjësi të plotë vërteton sasinë dhe kualitetin e punëve/furnizimeve të kryera në bazë të të cilave operatori ekonomik lëshon dokumentin financiar me kërkesë për pagesën e punëve/furnizimeve të kryera në bazë të kushteve të kontratës.

7. Komuna obligohet që të njofton MIT-në për çdo propozim ndryshim eventual të sasisë dhe kualitetit gjatë implementimit të projekteve dhe për këtë të kërkojë pëlqimin nga MIT-ja.

7.1. Komuna obligohet që në vend punishte të vendosë tabelën informuese (Pano) me shënimet për projektin, investitorët dhe operatorin ekonomik.

8. Komuna obligohet që për të realizuar pagesat për punët/furnizimet e kryera në nivel të financimit nga MIT-ja të kompletojë këto dokumente:

8.1. Procesverbalin e hapjes së tenderit dhe raportin e vlerësimit të tenderit (si dhe në rastet e korrigjimit të çmimeve të dorëzohen dokumentet e korrigjuara);

8.2. Kopjen e Kontratës të nënshkruar me operatorin ekonomik, së bashku me ofertën financiare, të vërtetuara në bazë të origjinalit nga menaxheri i prokurimit të Komunës;

8.3. Vendimi mbi emërimin e Projekt Menaxherit/organit mbikëqyrës dhe komisionin e pranimi nga ana e Komunës;

8.4. Raportin e projekt menaxherit/organit mbikëqyrës/komisionit të pranimi mbi punët/furnizimet e kryera dhe të aprovuara (situacionet e aprovuara);

8.5. Faturën origjinale nga operatori ekonomik deri në lartësinë e shumës së financuar nga MIT-ja dhe

8.6. Kopjen e certifikatës së biznesit, llogarinë bankare dhe letërnjoftimin e pronarit të operatorit ekonomik (nëse nuk është i regjistruar në SMIFK - Departamenti i Thesarit-Ministria e Financave).

9. Komuna duhet të ndërmarrë të gjitha masat që projektet të përfundojnë në përputhje me ndarjet buxhetore sipas viteve për projektin e tillë. Pas këtij afati të gjitha obligimet kalojnë në përgjegjësi të Komunës.

10. Komuna është e obliguar të njoftoj MIT-në për rrjedhat e realizimit të projektit sipas një plani dy javor deri në përfundim të projektit.

11. Komuna obligohet të ndërmarrë dhe kryejë çdo lloj shpronësimi të nevojshëm për zbatimin e projekteve përfshirë procedurat dhe kompenzimin në bashkëpunim me Ministrinë e Ambientit dhe Planifikim Hapësinorë dhe Ministrinë e Financave.

Neni 5

Ndryshimet dhe ndërprerja e Memorandumit të Mirëkuptimit

1. Me pëlqimin paraprak të Ministrit të MIT-së dhe Kryetarit të Komunës, ky Memorandum mund të ndryshohet dhe plotësohet.

2. MIT-ja mbanë të drejtën e ndërprerjes së shfrytëzimit të buxhetit për këtë destinim në rast se konstaton se Komuna nuk i përmbush obligimet e veta të dala nga ky Memorandum.

Neni 6

Zgjidhja e Mosmarrëveshjeve

Palët bien dakord reciprokisht për mënyrën e zgjidhjes së të gjitha çështjeve të pazgjidhura në këtë drejtim.

Neni 7
Numri i Kopjeve

Memorandumi i Mirëkuptimit është nënshkruar në katër (4) kopje origjinale, nga dy (2) kopje për secilën palë nënshkruese.

Neni 8
Pronësia e Projektit

1. Me pranim dorëzimin e punëve të kryera nga operatori ekonomik, pas pranimit teknik të projektit i njëjti do të kalojë në pronësi të Komunës.
2. Ky investim regjistrohet në pronësi të Komunës në mënyrë elektronike dhe fizike në sistemin e pasurisë në Ministrinë e Financave (SMIFK).

Neni 9
Hyrja në fuqi

Palët nënshkruese janë pajtuar që ky Memorandum i Mirëkuptimit të fillon të zbatohet nga dita e nënshkrimit.

Për:

Ministrinë e Infrastrukturës dhe
Transportit

